



# Միքայել Նալբանդյան

## Մանկության Օրեր

Մանկությա՛ն օրեր, երագի նման  
Անցաք գնացիք, այլ չեք դառնալու .  
Ո՛հ դուք երջանիկ, ո՛հ անհոգ օրեր .  
Ընդունակ միայն ուրախացնելու:

Ձեզանից հետո եկավ գիտություն  
Յուր ծանր հայացքով աշխարհի վերա,  
Ամեն բան ընկավ մտածության տակ,  
Բոպե չմնաց ազատ կամ ունայն:

Գիտակցությունը հաջորդեց սորան .  
Ազգի վիճակը ծանրացավ սրտիս . . .  
Ապուլուն տվեց ինձ յուր քնարը .  
Որպես փարատիչ տրտում ցավերիս:

Ավա՛ղ . այդ քնարը իմ ձեռքում հնչեց  
Նույնպես լալագին, նույնպես վշտահար,  
Ինչպես իմ սիրտն էր, իմ զգացմունքը .  
Ուրախացուցիչ չգտա մի լար:

Ես այն ժամանակ միայն զգացի,  
Որ այդ ցավերից ազատվելու չեմ,  
Որչափ իմ ազգս կը մնա ստրուկ

Օտարների ձեռք, անխոս, տխրադեմ:

Մանկությա՛ն օրեր, ինչո՛ւ այդպես շուտ  
Թոռք գնացիք, անդարձ հավիտյան .  
Ես այն ժամանակ անհոգ ու ազատ  
Կարծում էի ինձ աշխարհի իշխան:

Գերության շղթան ինձ զգալի չէր,  
Եվ ոչ բռնության անգութ ճանկերը .  
Ձեզանից հետո ծանրացան նորա,  
Ո՛հ, անիծում եմ ես այս օրերը:

Լո՛ւտ կաց, դու քնար, այլ մի՛ հնչեր ինձ,  
Ապուլուն, հե՛տ առ դարձյալ դու նորան,  
Տո՛ւր մի այլ մարդու, որ ընդունակ է  
Չոհ բերել կյանքը սիրած աղջկան:

Ես պիտի դուրս գամ դեպ հրապարակ  
Առանց քնարի, անգարդ խոսքերով .  
Ես պիտի գոչեմ, պիտի բողոքեմ,  
Խավարի ընդդեմ պատերազմելով:

Ներկա օրերում այլ ի՛նչ սև քնար,  
Սուր է հարկավոր կտրճի ձեռքին .  
Արյո՛ւն ու կրա՛կ թշնամու վերա,  
Այս պիտի լինի խորհուրդ մեր կյանքին:

Թո՛ղ պատգամախոսը, հնացած Դեյվի,  
Յուր եռոտանու վերա փրփրի .  
Թո՛ղ միջին դարու գաղափարներով  
Ամբոխը խաբել ճգնի աշխատի:

Թո՛ղ նա թարգմանե գրպարտությունը,

Թո՛ղ մխիթարվի ծովի ափերում,  
Մենք ազատության ենք միայն թարգման,  
Միայն այս խոսքս ունինք բերանում:

«Ո՛վ հայր, ո՛վ դու հայր, որ երկնքումն ես,  
Խնայիր թշվառ մեր անտեր ազգին .  
Մի՛ տար գոհ գնալ թշնամիների» .  
Նա այլ չէ լսում դեմոկրատիայի հարցուկին: